

**Ўзбекистон Республикаси Вазирлар Маҳкамасининг
қарори**

**Ўзбекистон Республикаси Интеллектуал мулк агентлиги тўғрисидаги
Низомни тасдиқлаш ҳақида**

**(Ўзбекистон Республикаси қонун хужжатлари тўплами, 2016 й., 47-сон, 543-
модда)**

Ўзбекистон Республикаси Президентининг «Ўзбекистон Республикасининг Интеллектуал мулк агентлиги фаолиятини такомиллаштириш чора-тадбирлари тўғрисида» 2016 йил 20 октябрдаги ПҚ-2637-сон карорини бажариш юзасидан Вазирлар Маҳкамаси **қарор қиласди:**

1. Ўзбекистон Республикаси Интеллектуал мулк агентлиги тўғрисидаги янги низом иловага мувофиқ тасдиқлансан.

2. Куйидагилар Ўзбекистон Республикаси Интеллектуал мулк агентлиги фаолиятини молиялаштиришнинг асосий манбалари этиб белгилансин:

Ўзбекистон Республикаси Давлат бюджети маблағлари;

патент божлари, электрон ҳисоблаш машиналари учун дастурларни ва маълумотлар базаларини рўйхатдан ўтказганлик учун тўлов ҳисобига белгиланган тартибда шакллантириладиган бюджетдан ташқари маблағлар, шунингдек қонун хужжатларида тақиқланмаган бошқа манбалар.

3. Ўзбекистон Республикаси Интеллектуал мулк агентлиги хузуридаги «Intellekt Ekspert» давлат унитар корхонаси Ўзбекистон Республикаси Интеллектуал мулк агентлиги хузуридаги Интеллектуал мулк соҳасидаги кадрларни қайта тайёрлаш ва уларнинг малакасини ошириш ўқув марказига қўшиб юбориш йўли билан қайта ташкил этилсин.

4. Вазирлар Маҳкамасининг «Ўзбекистон Республикаси Интеллектуал мулк агентлиги фаолиятини ташкил этиш чора-тадбирлари тўғрисида» 2011 йил 8 июндаги 166-сон карори (Ўзбекистон Республикаси ҚТ, 2011 й., 6-сон, 47-модда) ўз кучини йўқотган деб ҳисоблансан.

5. Ўзбекистон Республикасининг Интеллектуал мулк агентлиги Адлия вазирлиги ҳамда бошқа манфаатдор вазирликлар ва идоралар билан биргаликда бир ой муддатда:

қонун хужжатларига ушбу қарордан келиб чиқувчи ўзгартириш ва қўшимчалар тўғрисида таклифлар киритсан;

ўзлари қабул қилган норматив-хукукий хужжатларни ушбу қарорга мувофиқлаштирун.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.Н. Арипов зиммасига юклансин.

Ўзбекистон Республикасининг Бош вазири

Ш. МИРЗИЁЕВ

Тошкент ш.,
2016 йил 24 ноябрь,
394-сон

Вазирлар Маҳкамасининг
2016 йил 24 ноябрдаги
394-сон [карорига](#)
ИЛОВА

Ўзбекистон Республикаси Интеллектуал мулк агентлиги тўғрисида НИЗОМ

1-боб. Умумий қоидалар

1. Ўзбекистон Республикаси Интеллектуал мулк агентлиги (кейинги ўринларда Агентлик деб аталади) интеллектуал мулк соҳасида ягона давлат сиёсати амалга оширилишини таъминловчи давлат бошқаруви органи ҳисобланади ҳамда ўз фаолияти тўғрисида Ўзбекистон Республикаси Вазирлар Маҳкамасига ҳисобот беради.

2. Агентлик ўз фаолиятида Ўзбекистон Республикаси [Конституцияси](#) ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, бошқа қонун хужжатларига ҳамда ушбу Низомга амал қиласди.

3. Агентлик ўз фаолиятини давлат ва хўжалик бошқарувининг бошқа органлари, маҳаллий ижро этувчи ҳокимият органлари, нодавлат нотижорат ташкилотлар ва бошқа ташкилотлар билан ўзаро ҳамкорликда амалга оширади, шунингдек Бутунжаҳон интеллектуал мулк ташкилотида ва интеллектуал мулк соҳасидаги бошқа халқаро ва минтақавий ташкилотларда Ўзбекистон Республикаси номидан вакиллик қиласди.

4. Агентлик юридик шахс ҳисобланади, мустақил балансга, Ўзбекистон Республикаси Давлат герби тасвири туширилган ва ўз номи ёзилган думалоқ муҳрга, бошқа зарур муҳр ва штампларга, банк, шу жумладан, валюта ҳисоб рақамларига эга бўлади.

2-боб. Агентликнинг асосий вазифалари ва функциялари

5. Куйидагилар Агентликнинг асосий вазифалари ҳисобланади:
интеллектуал мулк соҳасида ягона давлат сиёсати амалга оширилишини таъминлаш, ихтиrolар, фойдали моделлар, саноат намуналари, товар белгилари ва бошқа интеллектуал мулк объектларини ҳуқуқий муҳофаза қилиш;

ихтиrolар, саноат намуналари, фойдали моделлар, товар белгилари ва бошқа интеллектуал мулк объектларини экспертизадан, рўйхатдан ўтказиш ҳамда ҳисобга олишни ташкил этиш ва амалга ошириш;

Давлат патент фондини ва интеллектуал мулкнинг расмий рўйхатдан ўтказилган объектлари тўғрисидаги маълумотлар базасини шакллантириш ва юритиш, уларнинг сақланишини ҳамда иқтисодиёт реал секторининг хўжалик юритувчи субъектлари, илмий ташкилотлар, олимлар ва мутахассислар томонидан самарали фойдаланилиши учун қулагилгини таъминлаш;

интеллектуал мулк соҳасида замонавий ахборот технологияларини жорий этиш, тадбиркорлик субъектларига ва аҳолига «ягона дарча» тамоилии бўйича давлат интерактив хизматлари кўрсатиш;

корхоналар ва ташкилотларга чет элдаги миллий интеллектуал мулк объектларини ҳуқуқий ҳимоя қилишни таъминлаш бўйича консультатив ва амалий кўмаклашиш, шунингдек интеллектуал мулк соҳасида халқаро ҳамкорликни кенгайтириш;

интеллектуал мулк соҳасида мутахассисларни қайта тайёрлаш ва уларнинг малакасини ошириш.

6. Агентлик ўзига юкланган вазифаларни бажариш учун қуидаги функцияларни амалга оширади:

интеллектуал мулк соҳасида давлат сиёсати ва қонунчиликни такомиллаштириш масалалари бўйича таклифлар ишлаб чиқади ҳамда уларни кўриб чиқиш учун белгиланган тартибда Ўзбекистон Республикаси Вазирлар Маҳкамасига тақдим этади;

ихтиrolар, фойдали моделлар, саноат намуналари, селекция ютуқлари, товар белгилари, хизмат кўрсатиш белгилари, товарларнинг келиб чиқиш жойлари номи, электрон ҳисоблаш машиналари (кейинги ўринларда ЭҲМ деб аталади), маълумотлар базалари ва интеграл микросхемалар топологияси учун муҳофаза қилиш ҳужжатлари бериш юзасидан буюртманомаларни кўриб чиқишга қабул қиласди;

ихтиrolар, фойдали моделлар, саноат намуналари, товар белгилари, хизмат кўрсатиш белгилари, товарларнинг келиб чиқиш жойлари номларини давлат экспертизасидан ўтказади, кўрсатилган обьектларнинг устуворлигини белгилайди, селекция ютуқлари, ЭҲМ учун дастурлар, маълумотлар базалари ва интеграл микросхемалар топологияларининг расмий экспертизасини ўтказади;

ихтиrolар, фойдали моделлар, саноат намуналарини давлат рўйхатидан ўтказиши, селекция ютуқлари, товар белгилари, хизмат кўрсатиш белгилари, товарларнинг келиб чиқиш жойлари номларини рўйхатдан ўтказиши, ЭҲМ учун дастурларни, маълумотлар базаларини расмий рўйхатдан ўтказиши ҳамда интеграл микросхемалар топологияларини рўйхатдан ўтказиши амалга оширади, муҳофаза қилиш ҳужжатларини беради, Ўзбекистон Республикасида умумий маълум бўлган товар белгиларининг реестрларини ва Рўйхатини юритади;

ихтиро, фойдали модел, саноат намунаси, товар белгиси, хизмат кўрсатиш белгиси, товарларнинг келиб чиқиш жойлари номи, ЭҲМ учун дастурлар, маълумотлар базалари ва интеграл микросхемалар топологияларига, берилган буюртманомаларнинг белгиланган товарларга мувофиқлигини текшириш натижалари бўйича, муҳофаза қилиш ҳужжатларини бериш ёки беришни рад этиш тўғрисида қарор қабул қиласди;

кўрсатилган селекция ютуқларининг патентга лойиқлик шартларига мувофиқлигини белгилаш натижалари бўйича, Ўзбекистон Республикаси Қишлоқ ва сув хўжалиги вазирлигининг ихтисослаштирилган ташкилотлари хulosалари асосида муҳофаза қилиш ҳужжатларини бериш ёки беришни рад этиш тўғрисида қарор қабул қиласди;

муҳофаза қилиш ҳужжатларининг ва бошқа зарур ҳужжатларнинг ягона шаклларини белгилайди;

интеллектуал мулк обьектларидан фойдаланишга хуқуqlар бериш тўғрисидаги лицензия шартномаларини, шунингдек уларни тўлиқ ёки қисман ўзгага бериш тўғрисидаги шартномаларни рўйхатдан ўтказади ва тегишли реестрларни юритади;

интеллектуал мулкнинг расмий рўйхатдан ўтказилган обьектлари тўғрисидаги маълумотлар базасини шакллантиради, уларнинг сақланиши ва фойдаланилиши учун шарт-шароитларни таъминлайди;

Давлат патент фондини бутлаш ишларини ташкил этади ва ўтказади, ундан иқтисодиётнинг реал секторидаги хўжалик юритувчи субъектлар, илмий ташкилотлар, олимлар ва мутахассислар томонидан самарали фойдаланиш учун унинг сақланиши ва қулайлигини таъминлайди;

Агентликнинг бюллетенларини ва бошқа расмий нашрларини, шунингдек интеллектуал мулк обьектларини хуқукий муҳофаза қилиш ва уларга бўлган хуқуqlарни ҳимоя қилиш масалалари бўйича бошқа маълумотлар ва материалларни чол этишини ташкил қиласди ва амалга оширади;

патент бўйича ваколатли вакилларни аттестациядан ва рўйхатдан ўтказади, патент бўйича ваколатли вакилларнинг давлат реестрини юритади;

интеллектуал мулк соҳасидаги қонун бузилишларини аниқлаш ва уларнинг олдини олиш бўйича хуқуқни муҳофаза қилиш, солик ва бошқа давлат органлари билан ўзаро ҳамкорлик қиласди;

муаллифлик хуқуки ва аралаш хуқуклар тўғрисидаги қонун бузилишлари тўғрисида белгиланган тартибда хulosса беради;

тузилган шартномаларнинг муаллифлик хуқуки ва аралаш хуқуклар тўғрисидаги қонунчиликка мувофиқлиги ҳақида хulosса беради;

аудиовизуал асарларни, фонограммаларни ва ЭҲМ учун дастурларни тиклаш, реализация қилиш, прокатга бериш, фонограммаларни тайёрлашга лицензиялар беради, шунингдек лицензиатлар томонидан лицензия талаблари ва шартларига риоя этилиши юзасидан назоратни амалга оширади;

патент-ахборот ва бошқа хизматлар кўрсатганлик учун тўлов миқдорларини белгиланган тартибда тасдиқлайди;

интеллектуал мулк объектларини хуқукий муҳофаза қилиш ва уларга бўлган хуқукларни ҳимоя қилиш соҳасида манфаатдор шахсларга методик ёрдам кўрсатади;

интеллектуал мулк объектларини хуқукий муҳофаза қилиш ва уларга бўлган хуқукларни ҳимоя қилиш соҳасида ҳалқаро кооперацияни ва ўзаро ҳамкорликни амалга оширади;

интеллектуал мулк объектларини хуқукий муҳофаза қилиш ва уларга бўлган хуқукларни ҳимоя қилиш бўйича идоралараро ахборот ҳамкорлигини амалга оширади;

давлат ва хўжалик бошқаруви органлари, маҳаллий ижро этувчи ҳокимият органлари, тадбиркорлик субъектлари учун интеллектуал мулк соҳасида мутахассисларни қайта тайёрлаш ва уларнинг малакасини оширишни ташкил этади, интеллектуал мулк соҳасида кадрлар тайёрлаш чора-тадбирларини амалга оширади;

интеллектуал мулк соҳасида фаолиятни ривожлантириш ва такомиллаштириш муаммолари бўйича илмий-тадқиқот ишларини ташкил қиласди ва уларда қатнашади;

мамлакатни ижтимоий-иктисодий ва маданий ривожлантириш учун интеллектуал мулк объектларига бўлган хуқукларни муҳофаза ва ҳимоя қилишнинг мақсади ва аҳамиятини кенг тушунтириш тадбирларини амалга оширади;

қонунчиликка мувофиқ интеллектуал мулк объектларини хуқукий муҳофаза қилиш ва уларга бўлган хуқукларни ҳимоя қилиш масалалари бўйича жисмоний ва юридик шахсларнинг мурожаатларини кўриб чиқади;

интеллектуал мулк масалалари бўйича ҳалқаро ва миллий илмий анжуманлар, симпозиумлар, конференциялар, семинарлар ҳамда бошқа тадбирларни ташкил қиласди ва уларда қатнашади;

интеллектуал мулк объектларини муҳофаза қилиш ва улардан қонуний фойдаланиш тўғрисидаги масалаларда аҳоли кенг қатламларининг хуқукий маданияти ва саводхонлигини ошириш тадбирларини ўтказади;

интеллектуал мулк объектларини хуқукий муҳофаза қилиш ва уларга бўлган хуқукларни ҳимоя қилиш соҳасида ҳалқаро шартномалар тузиш тўғрисидаги таклифларни белгиланган тартибда киритади, Ўзбекистон Республикасининг хуқукий маданияти ва лойиҳаларини тайёрлашда қатнашади ҳамда Вазирлар Маҳкамаси топшириғига биноан мазкур шартномаларни имзолайди;

интеллектуал мулк объектларини хуқукий муҳофаза қилиш ва уларга бўлган хуқукларни ҳимоя қилиш соҳасида тегишли ҳалқаро, минтақавий ва хорижий ташкилотлар билан музокаралар олиб боради, белгиланган тартибда идоралараро шартномалар тузади;

интеллектуал мулк объектларини хуқукий муҳофаза қилиш ва уларга бўлган хуқукларни ҳимоя қилиш соҳасида хорижий патент идоралари, ҳалқаро минтақавий ва хорижий ташкилотлар билан патент ҳужжатларини ва патент-хуқукий адабиётларни ҳалқаро алмашишни амалга оширади, хорижий тажрибани ўрганиш ва ундан фойдаланишни ташкил этади;

интеллектуал мулк соҳасида халқаро ҳамкорликни белгиланган тартибда амалга оширади ҳамда ушбу ҳамкорлик доирасида интеллектуал мулк объектларини ҳуқуқий муҳофаза қилиш ва уларга бўлган ҳуқуқларни ҳимоя қилиш масалалари бўйича халқаро ва минтақавий ташкилотлар ишларида қатнашади;

Ўзбекистон Республикасининг тегишли халқаро шартномаларидан келиб чиқадиган мажбуриятларнинг бажарилишини ўз ваколатлари доирасида таъминлайди.

3-боб. Агентликнинг ҳуқуқлари ва жавобгарлиги

7. Агентлик ўзига юкланган вазифалар ва функцияларни бажариш учун қўйидаги ҳуқуқларга эга:

давлат органлари, нодавлат нотижорат ташкилотлари ва бошқа ташкилотлардан, мансабдор шахслардан зарур ахборотлар, ҳужжатлар ва материалларни белгиланган тартибда сўраш ва олиш;

интеллектуал мулк объектларини ҳуқуқий муҳофаза қилиш ва уларга бўлган ҳуқуқларни ҳимоя қилиш соҳасидаги қонун ҳужжатлари бузилишлари тўғрисида судга даъво аризаси билан мурожаат қилиш;

ўз ваколатлари доирасида лицензиатга аниқланган бузилишларни бартараф этишини юкловчи кўрсатмалар бериш;

ихтирочилик ва ижодиётнинг бошқа турлари соҳасидаги улкан ютуклар учун Ўзбекистон Республикасининг фахрий унвонларини бериш тўғрисида белгиланган тартибда таклифлар киритиш;

ихтиrolар, фойдали моделлар, саноат намуналари, селекция ютуклари, товар белгилари, хизмат кўрсатиш белгилари, товарларнинг келиб чиқиши жойлари номи, ЭҲМ учун дастурлар, маълумотлар базалари, интеграл микросхемалар топологияси юзасидан буюртманомаларни кўриб чиқиши ва давлат экспертизасидан ўтказиш учун зарур бўлган кўшимча материалларни буюртмачилардан белгиланган тартибда сўраш;

интеллектуал мулк объектлари юзасидан буюртманомаларни кўриб чиқиши билан боғлиқ масалаларнинг муҳокамасини ташкил этиш ва ўтказиш, кўрсатиб ўтилган масалаларни кўриб чиқишида қатнашиш учун буюртмачиларни ва уларнинг вакилларини таклиф этиш;

белгиланган тартибда ноширлик фаолиятини амалга ошириш, интеллектуал мулк соҳасидаги илмий-методик ва ахборот материалларини, даврий нашрларни ҳамда бошқа матбаба маҳсулотларини чоп этиш ва тарқатиш;

интеллектуал мулк объектларини ҳуқуқий муҳофazasi қилиш ва уларга бўлган ҳуқуқни ҳимоя қилиш билан боғлиқ масалаларни хал этиш учун мамлакатимиздаги ва хорижий мутахассисларни шартнома асосида жалб этиш;

бюджетдан ташқари маблағлар жамғармаларини қонун ҳужжатларида белгиланган тартибда шакллантириш;

ўз ходимларини ижтимоий муҳофazasi қилиш чора-тадбирларини амалга ошириш.

Агентлик қонун ҳужжатларига мувофиқ бошқа ҳуқуқларга ҳам эга бўлиши мумкин.

8. Агентлик ўз ваколатлари доирасида вазирликлар, давлат қўмиталари, идоралар, маҳаллий ижро этувчи ҳокимият органлари, бошқа ташкилотлар, мансабдор шахслар ва фуқаролар учун бажариш мажбурий бўлган норматив-ҳуқуқий ҳужжатлар қабул қиласди.

Агентлик, зарур ҳолларда, бошқа вазирликлар, давлат қўмиталари ва идоралар билан биргаликда кўшма қарорлар ва бошқа ҳужжатлар чиқаришга ҳақлидир.

9. Агентлик:

ўз зиммасига юкланган вазифалар ва функцияларнинг самарали бажарилиши;

ихтиrolар, фойдали моделлар, саноат намуналари, селекция ютуклари, товар белгилари, хизматлар кўрсатиш белгилари, товарларнинг келиб чиқиши жойлари номи, интеграл микросхемалар топологиялари бўйича буюртманомаларни давлат экспертизасидан ўтказишнинг ўз вақтидалиги, сифати ва маҳфийлиги;

бюджет маблағларидан ва патент божлари ундириш маблағларидан, ЭҲМ учун дастурлар, маълумотлар базаларини рўйхатдан ўтказганлик учун тўлов тушумларидан ҳамда Агентлик тасарруфида қоладиган бошқа маблағлардан мақсадли фойдаланилиши юзасидан жавоб беради.

4-боб. Агентлик фаолиятини ташкил этиш

10. Агентликка Ўзбекистон Республикаси Бош вазирининг тақдимномасига биноан Ўзбекистон Республикаси Президенти томонидан лавозимга тайинланадиган ва лавозимдан озод қилинадиган бош директор бошчилик қиласиди.

Бош директорнинг Ўзбекистон Республикаси Вазирлар Маҳкамаси томонидан белгиланган тартибда лавозимга тайинланадиган ва лавозимдан озод қилинадиган икки нафар ўринбосари бўлади.

Бош директор моддий, миший, транспорт ва тиббий хизмат кўрсатиш шартшароитлари бўйича вазирнинг биринчи ўринбосарига, бош директор ўринбосари — вазир ўринбосарига тенглаштирилади.

11. Бош директор:

Агентлик фаолиятига умумий раҳбарлик қиласиди ҳамда Агентликка юклangan вазифалар ва функцияларнинг бажарилиши учун шахсан жавоб беради;

Ходимларнинг умумий сони доирасида Агентлик тузилмасига ўзгартиришлар кирилади, Агентликнинг штатлар жадвалини, шунингдек харажатлари сметасини тасдиқлади;

Агентликнинг таркибий бўлинмалари тўғрисидаги низомларни белгиланган тартибда тасдиқлади;

Агентлик ходимларининг лавозим вазифаларини белгиланган тартибда тасдиқлади;

Агентлик ходимларини белгиланган тартибда лавозимга тайинлади ва лавозимдан озод қиласиди;

ўз ваколатлари доирасида Агентлик ходимлари томонидан бажарилиши мажбурий бўлган буйруқлар, фармойишлар чиқаради, кўрсатмалар беради.

Бош директор қонун хужжатларига мувофиқ бошқа ваколатларни ҳам амалга ошириши мумкин.

12. Қуидагилар Агентлик фаолиятини молиялаштиришнинг асосий манбалари ҳисобланади:

Ўзбекистон Республикаси Давлат бюджети маблағлари;

патент божлари, ЭҲМ учун дастурларни ва маълумотлар базаларини рўйхатдан ўтказганлик учун тўлов ҳисобига белгиланган тартибда шакллантириладиган бюджетдан ташқари маблағлар, шунингдек қонун хужжатларида тақиқланмаган бошқа манбалар.

Бунда Агентлик ходимлари меҳнатига ҳақ тўлаш харажатлари Ўзбекистон Республикаси Давлат бюджети маблағлари ҳисобига қопланади, ходимларни моддий рағбатлантириш ва Агентликнинг жорий таъминоти бюджетдан ташқари маблағлар ҳисобига амалга оширилади.

13. Агентликда Бош директор (хайъат раиси), унинг ўринбосарлари (лавозимига кўра), шунингдек Агентлик фаолиятининг асосий йўналишларини мувофиқлаштирувчи таркибий бўлинмалари раҳбарларидан иборат таркибда ҳайъат ташкил этилади.

Ҳайъатнинг аъзолари сони ва шахсий таркиби Бош директор тақдимномасига биноан Ўзбекистон Республикаси Вазирлар Маҳкамаси томонидан тасдиқланади.

Ҳайъат қуидагилар билан боғлиқ масалаларни кўриб чиқади:

Агентлик фаолиятининг интеллектуал мулк соҳасида ягона давлат сиёсатини янада такомиллаштириш ва амалга ошириш бўйича ушбу Низомда назарда тутилган асосий йўналишларини тайёрлаш ва амалга ошириш;

Агентлик номенклатурасига кирадиган лавозимларга кадрларни танлаш, жой-жойига кўйиш, тайёрлаш ва қайта тайёрлаш;

Ўзбекистон Республикаси Президентининг фармонлари, қарорлари ва фармойишларида, Ўзбекистон Республикаси Вазирлар Маҳкамаси қарорлари ва фармойишларида белгиланган вазифаларни амалга ошириш бўйича ижро интизомини мустаҳкамлаш, уларнинг ўз вақтида ва сифатли амалга оширилишини таъминлаш юзасидан Агентлик раҳбарлари ва ходимларининг шахсий масъулиятини ошириш.

Ҳайъат Агентлик ваколатига тааллуқли бошқа масалаларни ҳам кўриб чиқиши хукуқига эга.

Ҳайъат мажлисига Агентлик ваколатига кирадиган масалалар бўйича бошқа вазирликлар, давлат қўмиталари, идоралар, маҳаллий ижро этувчи ҳокимият органлари ва бошқа ташкилотлар раҳбарлари таклиф этилиши мумкин.

Ҳайъат унинг мажлисида таркибининг ярмидан кўпи қатнашган тақдирда ваколатли бўлади. Кўриб чиқилаётган масалалар бўйича қарорлар оддий кўпчилик овоз билан қабул қилинади.

Ҳайъат қарорлари Бош директорнинг буйруқлари билан амалга оширилади.

Бош директор ва ҳайъат аъзолари ўртасида келишмовчиликлар пайдо бўлган тақдирда, Бош директор пайдо бўлган келишмовчиликлар тўғрисида Ўзбекистон Республикаси Вазирлар Маҳкамасига ахборот берган ҳолда, мустақил равишда қарор қабул қиласди. Ҳайъат аъзолари ҳам ўз фикр-мулоҳазаларини Ўзбекистон Республикаси Вазирлар Маҳкамасига ёзма шаклда маълум қилишлари мумкин.

Ҳайъат фаолияти тартиби унинг ҳайъат тасдиқлайдиган регламентида белгиланади.

14. Агентликда ихтиrolар, фойдали моделлар, саноат намуналари, селекция ютуқлари, интеграл микросхемалар топологиялари, товар белгилари, хизмат кўрсатиши белгилари, товарнинг келиб чиқиши жойлари номларини хукукий муҳофаза қилиш билан боғлиқ апелляцияларни, шунингдек товар белгиларини Ўзбекистон Республикасида умумий эътироф этилган деб тан олиш тўғрисидаги аризаларни судгача кўриб чиқиш учун Апелляция кенгаши тузилади.

Апелляция кенгаши таркибига Бош директор, унинг ўринбосарлари, Агентликнинг энг малакали ва тажрибали ходимлари, шунингдек интеллектуал мулк соҳасидаги мустақил олимлар ва мутахассислар киради.

Ўзбекистон Республикаси Интеллектуал мулк агентлигининг Апелляция кенгаши тўғрисидаги низом Ўзбекистон Республикаси Вазирлар Маҳкамаси томонидан тасдиқланади.

15. Интеллектуал мулк обьектларини хукукий муҳофаза қилишнинг муҳим масалалари бўйича муаммоларни илмий таҳлил қилиш, кўриб чиқиш ва тавсиялар ишлаб чиқиш учун Агентликда унинг юқори малакали ходимларидан, шунингдек давлат ва хўжалик бошқаруви органлари, бошқа ташкилотлар вакиллари, интеллектуал мулк соҳасидаги етакчи олимлар ва мутахассислардан Илмий-техника кенгаши тузилади.

Илмий-техника кенгаши тўғрисидаги низом ва унинг шахсий таркиби Агентлик бош директори томонидан тасдиқланади.

16. Давлат ва хўжалик бошқаруви органлари, бошқа ташкилотлар корхоналар ва ташкилотлар раҳбарлари ва ходимларини, таълим муассасаларининг ўқитувчилар таркибини, патент соҳасидаги ваколатли ходимларни, тадбиркорлик субъектларини ҳамда интеллектуал мулк соҳасидаги бошқа манфаатдор шахсларни ўқитиш, қайта тайёрлаш ва уларнинг малакасини ошириш мақсадида Агентлик хузурида Интеллектуал мулк соҳасидаги кадрларни қайта тайёрлаш ва уларнинг малакасини ошириш ўқув маркази ташкил этилади.

Интеллектуал мулк соҳасидаги кадрларни қайта тайёрлаш ва уларнинг малакасини ошириш ўқув марказининг устави Агентлик бош директори томонидан тасдиқланади.

17. Агентликни қайта ташкил этиш ва тугатиш қонун хужжатларида белгиланган тартибда амалга оширилади.